



mjesečni Bilten

omladinska mreža bosne i hercegovine

januar
siječanj
2020.

248

Dragi prijatelji/ce,

Predstavljamo vam **januarsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net

**CAT BIH:
VIŠE OD
AKTIVIZMA**

SADRŽAJ

Aktivnosti u januaru.....	2
Planovi za februar..	4
Aktivnosti članova mreže.....	5
Saopštenja/informacije/donatori/pozivi	14

Uživajte u čitanju!

AKTIVNOSTI ORC/HCA U JANUARU 2020.



Za našim mačkama je ciklus predanog rada na društvenim mrežama i u lokalnim zajednicama (Tuzla, Foča, Brčko). Ukupno 25 mladih ljudi je na zabavan i kreativan način, tokom prethodnih 6 mjeseci, aktivno radilo na CAT kampanji u 3 lokalne zajednice i na društvenim mrežama.

Kroz naša takmičenja smo potakli više od 150 mladih da kroz grafički dizajn, blog, tekst, fotografiju daju svoje stavove i iznesu poruke mladih iz čitave BiH:

- 1 veliki događaj – MAČKOGRAD
- 3 Treninga/radionice
- 5 Velikih konferencija na kojima je CAT prikazan kao primjer dobre prakse
- 9 Konkretnih akcija u 3 lokalne zajednice
- 25 Mladih direktno uključenih u aktivnosti
- 250 objava na FB,
- 140 objava na Instagramu,
- 26 objava na našem YOUTUBE kanalu,
- 652 vijesti priređene na našem web sajtu.
- 80 000 angažman publike na objavama
- 2 150 000 Doseg CAT objava



Izdali smo i štampali Priručnik za omladinske organizacije "On Line kampanje". Priručnik možete pronaći online na: <http://www.omladina-bih.net/VIJESTI/VODIC%20TEXT%20-%20Finalna%20verzija.pdf>

Snimili smo i na Youtube postavili dokumentarni film sa naših aktivnosti: "CAT BiH – više od aktivizma u zajednici". Film možete pogledati na linku: <https://www.youtube.com/watch?v=gObtC7s9A2E&t=376s>

Naša misija i ljubav prema zajednici ne prestaje ovdje!

Hvala Vam,

CATBiH.ba tim.

Otpornost zajednice na nasilni ekstremizam

Hope and Homes for Children u BiH od 29. do 31. januara u hotelu Holiday u Sarajevu, organizovao je trening "Otpornost zajednice na nasilni ekstremizam".

Cilj treninga bila je izgradnja kapaciteta civilnog društva za uspješno kreiranje i sprovođenje programa prevencije i suzbijanja nasilnog ekstremizma (P/SNE) u lokalnim zajednicama. Broj polaznika/ca je ograničen na 30.

Ispred Omladinskog resursnog centra Tuzla učešće je uzela Mirela Biković.



Maršalovog fonda SAD i Ministarstva javne uprave Crne Gore.

Aktivnost je dio regionalnog projekta „Zajednice na prvom mjestu: Kreiranje hub-a organizacija civilnog društva koji će se baviti pitanjem nasilnog ekstremizma - od prevencije do reintegracije“, koji Hope and Homes for Children sprovodi u partnerstvu sa Centrom za pravne građanske inicijative (Albanija), Forum mladi i neformalna edukacija - Forum MNE (Crna Gora), Partnerima Kosova – Centrom za upravljanje konfliktima (Kosovo*), Centrom za zajedničku osnovu (Sjeverna Makedonija) i Kulturnim centrom DamaD (Srbija). Projekat se realizuje uz finansijsku podršku Europske unije, Balkanskog fonda za demokratiju, projekta Njemačkog

Trening za mlade političare Fondacije „Boris Divković“

Fondacija Boris Divković organizuje edukativne treninge namijenjene mladim predstavnicima različitih političkih stranaka koji dolaze iz cijele BiH. #NeLaj će ove godine trenirati u tri grada: Sarajevo, Banja Luka, Mostar.

Trening za mlade političare iz Sarajeva održan je od 11. do 13. januara. Drugi dan edukativnog treninga je započeo sa predavanjem Karamujić Emira, predstavnika ORC Tuzla. Tema predavanja bila je “Kako se boriti protiv govora mržnje na digitalnim platformama”, sa primjerima CAT kampanje i praktičnom radionicom za mlade političare iz Sarajeva.

Poslije serije treninga će uslijediti follow up aktivnosti, u vidu organizovanja Galerije uvreda i govora mržnje širom gradova BiH.

Cilj projekta je naučiti sudionike o posljedicama negativnog korištenja online platformi i podići svijest o nasilnom ekstremizmu, govoru mržnje i cyber bulling. Glavno pitanje na koje želimo odgovoriti je: Gdje je linija između govora mržnje i slobode govora?

Projekat financira USAID Bosnia and Herzegovina, a njegovu provedbu podržava IOM Bosnia and Herzegovina u okviru programa BHRI. #NeLaj projekat implementira Fondacija Boris Divković.

Omladinska grupa ORC Tuzla

Školokrečina – premijera 5. epizode u Tuzli



U dvorani Kaleidoskop u Tuzli premijerno je prikazana peta epizoda igrano-dokumentarne serije „Školokrečina“. Serija govori o bosansko-hercegovačkom obrazovnom sistemu, koji učenike oblikuju spram nacionalnih politika.

Serija je nastala po istoimenoj zbirci priča, kao dio doktorske disertacija Nenada Veličkovića. U njoj se pojavljuju poznata imena domaćeg glumišta, poput Jasne Diklić, Admira

Glamočaka, Slavena Knezovića i Maria Drmaća.

Produkciju potpisuje Mebius film Sarajevo. Premijeri su također prisustvovali i naši članovi: Slobodan Blagovčanin, Mirela Biković, Eldin Subašić i Emir Mujakić.

TUZLA – PROTESTI PROTIV AEROZAGAĐENJA

Blizu 200 građana Tuzle 15. Januara se ponovo okupilo na Trgu slobode, a okupljanje je organizovalo 18 nevladinih organizacija zbog prekomjernog zagađenja zraka u ovom gradu.

Nadležnima su uputili jasne zahtjeve, a ako se stanje ne promjeni, ističu kako će ponovo izlaziti na ulice.

Veliki broj građana nosio je maske na licu, poručujući gradskim i kantonalnim vlastima da pod hitno moraju provesti mjere kojima bi se ovaj problem riješio.

Podsjećamo, tuzlansko naselje Ši Selo, u samom centru grada, zabilježilo je granične vrijednosti zagađenja trostruko veće od onih koje su izmjerene u Sarajevu, kao najzagađenijem glavnom gradu u svijetu, u proteklih nekoliko dana. Tuzlaci su istakli kako su posebno zabrinuti za djecu.

Proteste su podržali i naši članovi.



REDOVNE AKTIVNOSTI ORC I HCA TUZLA

Tokom januara radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektini tim nastavio je sa apliciranjima za projekte.

PLANNOVI HCA/ORC-A ZA FEBRUAR 2020.

- Pripreme za novu kampanju - „CAT 20“. U okviru ovog projekta nastavićemo sa implementacijom globalne on-line i off-line kampanje po Bosni i Hercegovini, kao i pripremu projektinih aktivnosti za ovu godinu
- Nastavak apliciranja za projekte i učešće u partnerskim projektima u regiji

AKTIVNOSTI ČLANICA OMLADINSKE MREŽE BiH

Omladinski klub "DIJAMANT"

Ul. Bučići 42, 70101 Jajce

Tel./fax: +387 30 279 444, +387 61 179 209, +387 63 366 811

E-mail: m.sekib@bih.net.ba

WEB: www.oed-dijamant.net, www.dijamantmoda.com


Omladinski klub »DIJAMANT« JAJCE

Kuturno naslijeđe u rukama žene



U sklopu realizacije projekta „Kuturno naslijeđe u rukama žene“, aktivistice omladinskog kluba „Dijamant“ organizirale su izložbu unikatnih predmeta koji su nastali njihovim kreativnim radom. Osnovni značaj ovog projekta jeste bila promocija bh. kulturnog i historijskog naslijeđa, kroz obuku i izradu tradicionalnih rukotvorina na području grada Jajca. Ciljna grupa bile su mlade žene do 35 godina koje imaju afiniteta prema izradi tradicionalnih suvenira.

„Obilježavanjem sajma tradicionalnih rukotvorina, Omladinski klub „Dijamant“ Jajce, ima za cilj promovirati i popularizirati dugogodišnje tradicionalne kulturne, duhovne vrijednosti, te mlade žene motivirati da budu društveno aktivne i u daljim projektima“ – rekla je koordinatorica projekta Remiza Mrkonja.

Osim toga, fokus je bio razvijati svijest o kulturi, nove inicijative, animirati što više mladih žena u sferi kulturnih dešavanja, podsticati nova partnerstva srodnih udruženja i grupa, te istovremeno raditi na očuvanju tradicionalnih

vrijednosti i običaja kroz multikulturalnu raznolikost.

„Ovom izložbom smo pokazale šta žene mogu i znaju da urade te pokažu javnosti unikatno interesantne radove, da imaju zapaženiju ulogu u društvu, a ne samo ulogu domaćice. Posjetioци iznosili pozitivne stavove o izložbi, imali su priliku i da kupe neke od ponuđenih predmeta“ – istakla je Mrkonja.

U holu tržnog centra „Bingo“u Jajcu posjetioци su mogli pogledati izložbu i kupiti neki interesantan predmet, a dio od ostvarenih prihoda su usmjerili u humanitarne svrhe.



Projekat je podržalo Ministarstvo obrazovanja, nauke, kulture i sporta-sektor kulture SBK/KSB

Pohvala od strane općine Jajce

Mladi ekolozi Omladinskog kluba "Dijamant" i članovi Ženskog amaterskog kluba "Jajce-Nansen" pohvaljeni od strane općine Jajce, za svoje eko aktivnosti u 2019. godini.

POHVALJUJEMO: LIJEPA GESTA MLADIH SPORTAŠICA



Vakuf.

Očistili odmaralište na putnom pravcu Jajce – Donji Vakuf

Članovi Omladinskog kluba „Dijamant“ i Ženskog odbojkaškog kluba „Jajce- Nansen“ kontinuirano kroz eko-akcije i uređenju životne sredine podižu nivo svijesti o zaštiti životne sredine kao i preispitivanje društvene odgovornosti mladih u zajednici.

Jednu takvu akciju, prilikom putovanja na sportsko nadmetanje realizirali su na magistralnom putu Jajce- Donji

-Na ovoj putnoj relaciji zatekli smo odmaralište koje je bilo zatrpano različitim otpadom. Samoinicijativno smo se organizirali te uredili isto. Naša zemlja obiluje mnogim prirodnim ljepotama, ali očigledan je primjer da u našem društvu nema dovoljno svijesti i osjećaja za takva bogatstva – rekao je Šekib Makić, trener Ženskog odbojkaškog kluba „Jajce- Nansen.

Jedno od ključnih obilježja današnjeg vremena su nagomilani ekološki problemi, a proces ekološkog osvješćivanja postao je imperativ današnjice. U rješavanje ovog problema uključene su mnoge institucije, ali ovaj problem će najprije biti psihološke naravi.

-Nažalost, mnoga prekrasna mjesta koja služe kao odmarališta tretiraju se kao odlagališta smeća. Ovo stanje se mora mijenjati tako što ćemo zajedno raditi na zaštiti dragocjenih prirodnih resursa i podizanju svijesti o potrebi aktivnog sudjelovanja svih u očuvanju ovog prekrasnog planeta – istakao je Makić.

Članovi ovog udruženja i sportskog kolektiva iz Jajca tokom svoga postojanja organizirali su niz eko-akcija te sprovedi niz radionica uglavnom s mladim uzrastom. Oni smatraju da zagadeno okolina nije borba s prirodom, već borba čovjeka sa svojom sviješću. Ukoliko se ovo stanje rapidno ne promjeni i nove generacije ne nauče da čuvaju svoju životnu sredinu, otpad će postati globalni problem.

ČESTITAMO!



PRONI Centar za omladinski razvoj

Ul. Hadži Vasvije Zejčirović 5, 76100 Brčko distrikt BiH

Tel./Fax: +387 49 217 695

E-mail: info@pronib.ba

www.proni.ba

Dokumentarni film - POTRAGA

"POTRAGA" govori o mladoj osobi iz Brčkog koja je u tinejdžerskim godinama bila izložena idejama jednog od najtraženijih terorista svijeta kao i o generalnoj slici o ekstremizmu na području Brčko distrikta.

Koji su razlozi odlaska mladih na strana ratišta, ko radi na prevenciji i na koji način, kako sve to utiče na mlade osobe i kakva je situacija danas u Brčkom otkrićete u [ovom filmu](#).

PRONI Centar za omladinski razvoj kreirao je prvi amaterski dokumentarni film u svrhu prevencije radikalizma i nasilnog ekstremizma kod mladih.

Sastanak Upravnog odbora Youth Express Network



#PRONI je učestvovao na sastanku UO #YouthExpressNetwork mreže u periodu od 16 do 19 januara, u Strasburgu, Francuska.

Ovo je bio prvi sastanak Upravnog odbora u novoj 2020.

Sumirali smo prethodnu godinu i planirali projekte za novu godinu u cilju kreiranja inkluzivnog društva za sve mlade ljude.

#PRONI Centar je dugogodišnja članica mreže, a od prošle godine opet imamo predstavnicu u Upravnom odboru.

Koliko države regiona gube odlaskom mladih?

Procjena Svjetske banke jeste da je nezaposlenost mladih u BiH za 2018. godinu iznosila 47,4 posto, što Bosnu i Hercegovinu plasira u sami vrh zemalja svijeta sa visokom stopom nezaposlenosti mladih. Ovo je ujedno i jedan od vodećih uzroka odlaska mladih ljudi u inostranstvo u potrazi za boljim uslovima za život.

Prisustvovali smo istraživanju koje je sproveo Institut za razvoj i inovacije uz podršku Westminster Foundation for Democracy koje pokazuje da državu Srbiju obrazovanje jedne mlade osobe sa završenim fakultetom košta 34.000 €, što predstavlja gubitak odlaskom te mlade osobe u stranu zemlju.

Koliki je trošak za BiH i kako to utiče na BDP biće objavljeno u martu ove godine.

Erasmus+ program za mlade i Evropske snage solidarnosti

Predstavници PRONI Centra za omladinski razvoj su učestvovali u dvodnevnom konsultativnom sastanku o Erasmus+ programu za mlade i programu Evropske snage solidarnosti.

Sastanak je organizovao SALTO Resursni centar za Jugoistočnu Evropu, a istom su prisustvovali predstavnici Kontakt tačkaka za Erasmus+ program zemalja Balkana (koji još nemaju Nacionalnu Agenciju), akreditatori, predstavnici SALTO SEE trenerske baze i predstavnici organizacija civilnog društva.

Aktivnosti PRONI Omladinskih klubova

POK MOSTAR

- Održan je prvi sastanak sa volonterima i novim polaznicima PRONI Akademije omladinskog rada.

POK BANJA LUKA

- Održan je prvi sastanak sa volonterima i novim polaznicima PRONI Akademije omladinskog rada.

POK SARAJEVO

- Održan je prvi sastanak sa volonterima i novim polaznicima PRONI Akademije omladinskog rada.

POK BIJE LJINA

- Održan je prvi sastanak sa volonterima i novim polaznicima PRONI Akademije omladinskog rada.
- Započet je prvi modul PRONI Akademije omladinskog rada.



**OMLADINSKA ORGANIZACIJA "SVITAC"**

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.netWeb: www.svitac.orgFB: www.facebook.com/omladinska.svitac**Dnevne radionice**

Omladinska organizacija Svitac je nastavila sa svakodnevnim aktivnostima po redovnom rasporedu, prva grupa učesnika od 11:00-13:00 uzrasta od 4-7 godina, a druga grupa učesnika od 14:00-15:30 uzrasta 8+. Mlađi učesnici su kreirali edukativne stvari uz pomoć lokalnih i međunarodnih volontera. Grupa najmlađih učesnika je imala priliku napraviti razne dekoracije: narukvice prijateljstva, dugu na papiru sa vatom, pahulje, svijeće od kartona, ježevе od plastelina, baštu od cvijeća, te bojiti radne listove na temu zimskih radosti. Kao i prošlog mjeseca, vježbali smo pozdrave i riječi na engleskom jeziku na temu prijateljstvo i tolerancija. Učesnici su takođe nastavili vježbati abecedu - slova Ć, Đ, Đ i Dž te su učili riječi na slovo D. Na muzičkim radionicama su učili i pjevali pjesmice: „Kroz oblake sanke lete“, pjesmicu na engleskom jeziku „I have

got peace in my heart“ („Imam mir u svom srcu“), pjesmicu na njemačkom jeziku „Alle meine Entchen“ („Sve moje patkice“), te su vježbali korake za ples „Šapice mi zeko daj“. U okviru redovnih aktivnosti, takođe smo imali slušanje priča: „Carevo novo ruho“, „Ivica i Marica“, „Ružno pače“, „Moj prijatelj pas“ i „Priča o ježiću“. Učesnici su ovaj mjesec radili crteže na temu ugrožene vrste životinja. Ovi crteži će biti predstavljeni u najvećoj online zoo galeriji. Drugi dio radionice je namijenjen za relaksaciju, osvježenje, jogu, sportske i razne takmičarske igre. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. Ponedjeljkom je kreativno izražavanje, utorkom su učesnici vježbali engleski i njemački jezik, srijedom su crtali i čitali stripove, četvrtkom su se družili uz sportske aktivnosti, društvene i teambuilding igre, a petkom su nastavili raditi na slobodnim temama kreativnog izražavanja. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugom i usvoje lijepo ponašanje. Koordinator radionica je bio Adin Midžić uz asistenciju lokalnih, Weltwärts i EVS/ESC međunarodnih volontera. Sve aktivnosti se održavaju u Omladinskom centru Brčko distrikta.



Radionice gitare

Učesnici radionice gitare su nastavili rad na tehnikama, kompozicijama, skalama, harmonizaciji i improvizaciji iz prethodnog perioda.

Radionice sambe

Učesnici ove radionice su počeli raditi na dvije nove ideje (Funkle Sam i Slum Dunk). Obe kompozicije su umjerenog tempa u A-molu.



Eco projekat

Članovi ekološkog projekta su nastavili sa planiranjem budućih aktivnosti za 2020. godinu. Naš tim je dobio parcelu za uzgajanje vrta pored rijeke Save, u okviru projekta „Gradske bašte“. Veoma smo sretni što možemo podržati naš grad i kreativne mlade ljude, koji su došli na ovu ideju. Nažalost, naš projekat sađenja drveća moramo odgoditi do proljeća 2020. Godine, kada ćemo imati sigurno mjesto i lijepo vrijeme na našoj strani. Ovaj mjesec smo uradili još jednu uličnu akciju u svrhu prikupljanja novčanih sredstava za kupovinu sadnica i radni plan za ekološke prezentacije po osnovnim i srednjim školama.

Za februar se planira nastavak svih redovnih radionica Omladinske organizacije Svitac.



Udruženje građana "C.E.Z.A.R." Srbac

Zdravka Čelara 29, 78420 Srbac

Tel: 051 928 126

e-mail: zdravosrbac@yahoo.com

Zimski turnir u stonom tenisu

Drugo zimsko takmičenje u stonom tenisu, u organizaciji Udruženja građana "C. E. Z. A. R." iz Srpcu, održano je u subotu u prostorijama Udruženja. Takmičenju je pristupilo 30 takmičara, raspoređenih u tri različite kategorije. U najmlađoj, kadetskoj konkurenciji, najbolji je bio Aleksa Pantelić, dok je drugo mjesto zauzeo Marko Malešević, a treće Vuk Popović. U izuzetno jakoj juniorskoj kategoriji, pobjednički pehar osvojio je Milan Topić, koji je ostavio Radišu Vujića na drugom mjestu, a treći je bio Mihajlo Majstorović. U seniorskoj kategoriji pobjednik je Aleksandar Obradović iz Gradiške, drugo mjesto zauzeo je Srđan Aničić, dok je trećeplasirani Milovan Kusić.

Direktorica UG „C.E.Z.A.R.“ Tanja Šnjegota kaže da je turnir u stonom tenisu prerastao u tradiciju, a osim zimskog takmičenja, stonoteniseri imaju priliku za nadmetanjem i ljeti. Ovo je jedan od najboljih načina promovisanja sporta i zdravih stilova života, zbog čega turnir i jeste otvoren za sve zainteresovane, a dolazak takmičara iz drugih opština govori u prilog kvalitetu organizacije turnira.

Diplome i pehare, kao i osvježjenje, obezbijedio je organizator, a kotizaciju u iznosu od simboličnih 5KM plaćala je samo seniorska kategorija.



Institut za
razvoj mladih KULT



Ul. 4. Viteške brigade

34 – 36 BA, 71210 Ilidža, Sarajevo

Tel: +387 33 778 778.

Fax: +387 33 778 79

E-mail: kult@mladi.org, web:

www.mladi.org

Obuka UmiD upisala već 16. generaciju

Institut za razvoj mladih KULT godinama provodi certificiranu obuku za omladinske lidere/ice, a u januaru je upisana već 16. generacija. Na prvom okupljanju mladi iz 14 zajednica iz cijele BiH pokazali su visok stepen interesovanja za učenje i rad u svojim zajednicama, ali i razvijenu svijest o pitanju nasilja nad ženama i djevojčicama. U toku obuke, mladi su obilježili Narandžasti dan, koji se obilježava svakog 25. u mjesecu. Naučili su kako prepoznati nasilje, prijaviti ga, ali i najvažnije kako ga prevenirati i šta



raditi u slučajevima kada dođe do nasilja. Tema prvog modula bila je timski rad i liderstvo, a polaznici/e obuke imali su priliku razgovarati o izazovima koji se dešavaju u timu sa Nudžejmom Softić, uspješnom bh. maratonkom. U cilju razmjene mišljenja i iskustava Institut je pokrenuo Facebook grupu, slobodni online prostor, eForum Demokratije i Ljudskih prava, kojem se svi zainteresirani mogu pridružiti.

Od 2020. godine Institut će upisati i prvu generaciju UMiD-a za djecu, koji će tokom šestomjesečne obuke proći 12 modula prilagođenih uzrastu od 8 do 10 godina.

Ova inicijativa provodi se uz podršku Ambasade Kraljevine Nizozemske u BiH.

Omladinski radnici u BiH: Marijan Tustonja

Marijan Tustonja je dvadesetpetogodišnji magistar socijalnog rada. Na prvi utisak sramežljiva osoba, no njegova životna priča o grčevitoj borbi tokom koje je život često testirao granice njegove izdržljivosti govori o snažnom, uspješnom mladom čovjeku. Marijan je kao šestogodišnjak, zbog teških životnih uslova, odvojen od majke, brata i sestre, te odveden u Majčino selo, u Međugorje gdje je ostao do svoje osamnaeste godine.

Životne nedaće koje su ga snašle izložile su ga stigmatizaciji, čija je često bio žrtva. No, Marijan je srednju ekonomsku školu završio kao najbolji učenik u razredu.

Na prvoj godini dodiplomskih studija uključuje se u Udrugu studenata socijalnog rada ZAMFIS i kreće da aktivno učestvuje u borbi za jednaka prava za sve. Na petoj godini preuzima vođenje Studentskog zbora Sveučilišta u Mostaru i postaje prvi socijalni radnik na ovoj poziciji.



Jedna dobra stvar je za sobom vukla dvije nove, a rad, trud i zalaganje se isplatilo. Iako je put bio trnovit Marijan je danas magistar socijalnog rada i asistent na Filozofskom fakultetu Sveučilišta u Mostaru na studiju socijalnog rada.

Tokom 2017. godine učestvao je na obuci stručnih saradnika/ca za rad s mladima koju provodi Institut za razvoj mladih KULT uz podršku Olof Palme International centra. Marijan tokom obuke pokazuje proaktivnost, timski duh i u februaru 2018. postaje certificirani stručni saradnik za rad s mladima. Danas svoje neformalno obrazovanje i metode omladinskog rada koristiti u formalnom obrazovanju i radu sa studentima.

Kako sam kaže, život ima čudne načine da nas pripremi i čeliči za stvari koje dolaze. Koliko god Marijanov put bio pun prepreka, njegova glavna

vodilja je borba za jednakost, borba za one koji se ne mogu boriti za sebe, za one na marginama društva.

Mladi će imati mogućnost direktne komunikacije sa donosiocima odluka kroz Savjet za mlade

Mladi u Federaciji BiH mogli bi dobiti novo tijelo koje će zagovarati kvalitetnije programe i politike prema mladima i na koncu doprinijeti kvalitetnijem životu mladih. Inicijativu za formiranje Savjeta za mlade u FBiH predvodit će Vijeće mladih FBiH, a Institut za razvoj mladih KULT pružit će im finansijsku i savjetodavnu podršku u ovom procesu.

Savjet za mlade je jedan od mehanizama propisanih Zakonom o mladima FBiH, ali još uvijek nije implementiran i tu Vijeće mladih FBiH vidi priliku da dodatno uključi mlade u procese donošenja odluka.

Savjet za mlade predstavlja tijelo koje će okupiti predstavnike/ce svih ministarstva iz Vlade FBiH koja se dotiču pitanja mladih i predstavnike mladih koje imenuje Vijeće mladih FBiH, a njihov omjer u sastavu treba biti jednak.

Savjet za mlade već postoji u entitetu Republika Srpska, ali i u zemljama regiona, međutim da bi mladi mogli osjetiti konkretne rezultate osnivanja ovog Savjeta, neophodno je da sam Savjet bude funkcionalan i da mladi djeluju proaktivno te da zagovaraju potrebne programe. Pored zagovaračke platforme, Savjet će imati ulogu praćenja provedbe Zakona o mladima u FBiH i procjenu postojećih programa i politika prema mladima.



INFORMACIJE / DONATORI / POZIVI

Javni poziv za podnošenje prijedloga za dodjelu bespovratnih sredstava



International Organization for Migration (IOM)
The UN Migration Agency

Međunarodna organizacije za migracije (IOM) poziva sve zainteresovane organizacije civilnog društva, neformalne grupe građana i fizička lica da dostave svoje kratke opise projekata po Javnom pozivu za dodjelu bespovratnih sredstava prema specifikacijama koje navodimo u našem zvaničnom Pozivu. Uz ovaj Poziv za podnošenje prijedloga projekata nalaze se i prijavni obrasci koje treba slijediti kako bi pripremili i podnijeli svoje

prijedloge na razmatranje IOM-u.

NASLOV – LOT 1	DATUM OBJAVE	KRAJNI ROK
Mini grantovi za organizacije civilnog društva, neformalne grupe građana i fizička lica	30.01.2020.	29.02.2020.

NASLOV – LOT 2	DATUM OBJAVE	KRAJNI ROK
Mali grantovi za organizacije civilnog društva	30.01.2020.	29.02.2020.

IOM zadržava prava da prihvati ili odbije bilo koji prijedlog projekta, da otkáže javni poziv i odbije sve dostavljene prijedloge, u bilo koje vrijeme prije dodjeljivanja ugovora, bez ikakve eventualne odgovornosti prema oštećenom/im podnosiocu/ima prijave ili bilo koje obaveze da informiše podnosioca/e prijave po osnovu IOM odluke.

Prijave se dostavljaju na engleskom ili službenom jeziku ili jezicima zemlje putem e-pošte na adresu iomsjmission@iom.int uz navođenje u nazivu poruke „Prijedlog projekta po Pozivu br. 98-01/20“ za mini grantove i „Prijedlog projekta po Pozivu br. 97-01/20“ za male grantove za podnosiocce prijava iz BiH. Prijave se dostavljaju do 29.02.2020.g. a najkasnije do 24:00h.

Javni poziv za podnošenje prijedloga projekata za dodjelu bespovratnih sredstava možete preuzeti ovdje: <https://bih.iom.int/sites/default/files/IOMTenderIPAGrant/Javni%20poziv%20za%20podno%20C5%A1enje%20prijedloga%20projekata%20.pdf>

Prijavni obrazac za neformalne grupe građana i fizička lica možete preuzeti ovdje: [Prijava \(krakti opis projekta\) za neformalne grupe gradjana i fizicka lica](#)

Prijavni obrazac za organizacije civilnog društva možete preuzeti ovdje: [Prijava \(krakti opis projekta\) za OCD](#)

Molimo Vas da pažljivo pročitate Javni poziv kako bi Vaša prijava bila potpuna.

Dijalog za budućnost: Javni poziv za finansiranje projekata

Ako želite da doprinesete društvenoj koheziji, evo prilike! Poziv za finansiranje projekata u okviru programa Dijalog za budućnost je upravo otvoren za sve NVO, opštine, škole, ustanove.

Uputstva i obrasce za prijavu možete [preuzeti sa ovog linka](#).

Rok za prijavu: **9. februar 2020.**

[Više informacija o programu](#)

[Često postavljana pitanja](#)

[Video uputstvo za popunjavanje obrasca: Budžet](#)

[Video uputstvo za popunjavanje obrasca: Prijedlog projekta](#)

ASuBiH raspisuje konkurs za finansiranje projekata iz Fonda Socijalnog dana 2019.

Nakon relizovanog **četvrtog Socijalnog dana**, kojim su srednjoškolci 18. oktobra 2019. godine okupirali čak **2094 radna mjesta**, poslodavci koji su srednjoškolicima omogućili radno iskustvo, bili su dužni uplatiti dnevnice od kojih je oformljen **Fond Socijalnog dana 2019**.

Asocijacija srednjoškolaca u Bosni i Hercegovini **otvara konkurs** za dostavljanje projektnih prijedloga, vezanih za srednjoškolce, njihov razvoj i razvoj lokalnih zajednica, koji će biti finansirani iz Fonda Socijalnog dana.

Prije popunjavanja **Prijavnice za Fond Socijalnog dana**, važno je obratiti pažnju na kriterijume na osnovu kojih će komisija vršiti odabir projekata. Komisiju čini 7 članova od kojih su 4 člana Upravnog odbora, 1 Alumni član, 1 član Grupe volontera i 1 osoba koja je aktivno radila na Socijalnom danu 2019, a kriterijumi su sljedeći:

- Odgovorna osoba (koordinator/ica) mora biti srednjoškolac (14-19).
- Budžet projektnog prijedloga ne može iznositi više od 1100 KM.

(Na osnovu ukupne sume budžeta je potrebno uračunati i 10% poreza koji je obavezan pri uplati sredstava na račun korisnika Fonda).

- Budžet projektnog prijedloga ne može sadržavati kupovinu računara, sportske opreme, projektora, niti bilo koje druge opreme koja ostaje u trajnom vlasništvu.
- Sve aktivnosti planirane ovim projektnim prijedlogom moraju biti na volonterskoj bazi.
- Poziv se odnosi na cijelu Bosnu i Hercegovinu.
- Ispred jednog lokalnog tima moguće je maksimalno aplicirati sa 2 projektna prijedloga.
- U jednoj lokalnoj zajednici finansijsku podršku može dobiti samo jedan projektni prijedlog.
- Trajanje projekta ne može biti duže od šest mjeseci.
- Prijedlog projekta mora biti napisan na najviše 7 (sedam) stranica (uključujući budžet i plan aktivnosti) u fontu Times New Roman, veličina fonta 12.
- Ciljevi projekta moraju biti jasno definisani, a aktivnosti u skladu sa budžetom.
- Projekat doprinosi širenju aktivizma u Bosni i Hercegovini kao i umrežavanju srednjoškolaca u Bosni i Hercegovini.
- Projekat se kroz kreativan i inovativan način bavi rješavanjem aktuelnih problema srednjoškolaca.
- Primarna ciljna skupina projekta moraju biti srednjoškolci.
- Projekat je dostavljen u prijavnoj formi Fonda Socijalnog dana.

Projektni prijedlog mora biti dio jedne od sljedećih cjelina:

- **Društveni angažman** (podrazumijeva doprinos zajednici npr. rekonstrukcija parka, šetališta, igrališta i slično)
- **Edukacija srednjoškolaca** (podrazumijeva radionice, seminare, razmjene)
- **Rad sa srednjim školama u lokalnim zajednicama** (podrazumijeva bilo koju aktivnost koja doprinosi razvoju infrastrukture ili nastave u školama)

Aplikacija za prijavu nalazi se na sljedećem linku: [Fond Socijalnog dana2019](#)



Prednost za dobijanje sredstava imaju članovi ASuBiH-a i Lokalni timovi koji su učestvovali u Socijalnom danu. Ukoliko imaš nedoumice oko toga da li tvoj projekat ispunjava kriterije Fonda kontaktiraj nas na mail asubih@yahoo.com.

Prijedlozi se šalju u elektronskoj formi na mail konkurs@asubih.ba

Rok za dostavljanje projektnih prijedloga je 29. februar 2020. godine u 23:59 časova.

Konkurs za lokalne omladinske organizacije u okviru Fonda za mlade: „I naš glas treba da se čuje“

Fondacija Centar za demokratiju raspisuje konkurs za dodelu sredstava iz Fonda za mlade „I naš glas treba da se čuje“ u okviru projekta „**Mladi Balkana za Evropu**“.

Cilj poziva za lokalne omladinske organizacije kroz **Fond za mlade „I naš glas treba da se čuje“** jeste povećanje učešća mladih i jačanje lokalne demokratije na Zapadnom Balkanu kroz podršku lokalnim omladinskim organizacijama koje zastupaju aktivno učešće mladih na lokalnu.

Ukupna sredstva Fonda za mlade „I naš glas treba da se čuje“ iznose 78.000 EUR. Ovim sredstvima biće podržane lokalne omladinske nevladine organizacije u Albaniji, Bosni i Hercegovini, Kosovu*, Crnoj Gori, Severnoj Makedoniji i Srbiji. Iznos grantova kreće se između:

- minimalnog iznosa: 3.000 EUR
- maksimalnog iznosa: 6.000 EUR

Vrste projekata koje će biti podržane u okviru ovog poziva su sledeće:

- Projekti koji pružaju podršku u osnaživanju mladih, kao i socijalnoj inkluziji marginalizovanih omladinskih grupa
- Projekti koji promovišu dijalog između mladih i institucija na lokalnu
- Projekti koji promovišu učešće mladih u donošenju odluka na lokalnom nivou
- Projekti koji zastupaju bolju poziciju mladih na lokalnu
- Projekti koji pružaju podršku učešću mladih u sprovođenju politika koje utiču na lokalni socijalni, ekonomski i kulturni razvoj
- Projekti koji promovišu ljudska prava u lokalnoj zajednici
- Projekti koji promovišu inter-generacijsku solidarnost i održivi razvoj

Konkurs je otvoren **do 28. februara 2020. godine do 15h**, a sve informacije u vezi sa konkursom i aplikacioni obrasci nalaze se **OVDE**.

Pozivamo zainteresovane lokalne omladinske organizacije koje ispunjavaju uslove da se prijave na konkurs.

„Mladi Balkana za Evropu“ (Regional Youth Compact for Europe) je trogodišnji projekat koji sprovodi Fondacija Centar za demokratiju sa 13 partnera iz regiona. Projekat je finansijski podržan od strane Evropske unije i Balkanskog fonda za demokratiju.

*(*Ovaj natpis ne prejudicira status Kosova i u skladu je sa Rezolucijom 1244 i mišljenjem MSP o kosovskoj deklaraciji o nezavisnosti)*

Preuzmite

- [Informacije i aplikacioni obrasci \(.zip fajl\)](#)

Regionalni nagradni konkurs: Spasimo putopis 2020.

Regionalni nagradni konkurs "Spasimo putopis" pokrenuli smo prošle godine. Bili smo prijatno iznenađeni odzivom, kvalitetom, i raznovrsnošću pristiglih radova. Neke od tih priča ušle su u našu

štampanu zbirku Divlji gradovi, objavljenu u oktobru 2019. Sada raspisujemo putopisni konkurs za 2020. godinu. Ideja, ciljevi i propozicije isti su kao prošle godine, pa prošlogodišnji tekst u nastavku prenosimo uz minimalne izmene.

Nagrađene priče iz 2019, kao i neke od pohvaljenih, možete pronaći ovde.

IDEJA

Kada je Marko Polo u 13. veku opisao Peking, njegova čitalačka publika uglavnom nije imala načina da tamo ode. Zato su njegovi putopisi imali smisao i funkciju. Danas u Peking možete otići na mnogo načina - avionom ili vozom, sami ili u društvu, samostalno ili preko agencije. Na internetu možete pronaći bezbroj fotki Zabranjenog grada. Ili Sahare, ili Ognjene zemlje, ili polarne svetlosti. U visokoj rezoluciji, iz svih uglova, snimljenih pomoću dronova i druge napredne opreme.

Satelitske mape, milijarde fotografija, dokumentarci o svim mogućim kulturama i fenomenima, onlajn arhive naučnih radova, digitalizovani muzeji, galerije i biblioteke – sve je lako dostupno i najvećim delom besplatno. **Lakoća putovanja i dostupnost informacija učinili su putopisanje suvišnim.** Putopis je postao, u sasvim bukvalnom smislu, tehnološki višak.

Klasičan reportažni putopis je na izdisaju. Valjalo bi smisliti nešto novo. **Nove načine da razmišljamo, razgovaramo i pišemo o putovanjima**, a samim tim i o svetu, o sebi u svetu i o svetu u sebi.

Cilj ovog konkursa je da istražimo šta bi sve putopis mogao biti i postati, ali pre svega da podstaknemo ljude na razmišljanje, otkrivanje i stvaranje, na radoznalost i igru.

KAKVE PUTOPISE TRAŽIMO

Putopis se ne smatra pravim književnim žanrom jer predstavlja samo okvir u koji možete strpati manje-više bilo šta, od geološke studije do ljubavne priče. Upravo to i želimo od vas! Upotrebite putovanje kao najširi mogući okvir, izgovor za stvaranje, polaznu tačku da ispričate *svoje* priče.

Voleli bismo da vidimo putopise koji su drugačiji. Smeliji. Eksperimentalniji. Koji zalaze u fikciju, poeziju, etnologiju, antropologiju, esejistiku, ilustraciju, strip. Svejedno nam je da li ste putovali autostopom ili išli na poslovni put, i hoćete li nam poslati svoj putopis u formi SF priče ili poeme u epskom desetercu. Neka vaša priča bude više od standardnog opisa mesta i događaja. Neka bude drugačija, i neka bude vaša.

TEHNIKALIJE

- 1) Svaki autor ima pravo da pošalje najviše **tri priče**. Nema minimalne ni maksimalne dužine. Putopisi moraju biti na nekoj varijanti sr-hr-bh-cg jezika.
- 2) Prednost imaju radovi nastali radi ovog konkursa. Molimo vas da naznačite da li je putopis ranije objavljivani.
- 3) Nemojte slati fotografije.
- 4) Nemojte slati tekstove koji se očigledno ne uklapaju u propozicije ovog konkursa (neobjavljene romane itd).
- 5) Žiri sačinjava uredništvo Kluba putnika. Žiri zadržava pravo da ne proglasi pobjednika, ili da proglasi samo prvo, samo drugo ili samo treće mesto.
- 6) Rezultati će biti objavljeni 15.03.2020.
- 7) Radove šalžite na adresu klubputnika.kontakt@gmail.com, u poruci naslovljenoj "Konkurs 2020".
- 8) Za dodatna pitanja, tu je odgovarajuća forumska tema.

9) Rok za slanje radova je **15.02.2020.**

NAGRADE

Prva nagrada iznosi 200 evra. **Druga nagrada** iznosi 100 evra a **treća nagrada** 50 evra.

Neke od priča koji uđu u užu selekciju biće **objavljene na sajtu Kluba putnika**, uz dozvolu autora.

Postoji mogućnost da najbolji radovi budu uključeni u neku od budućih **štampanih antologija**.



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

**Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orctuzla@bih.net.ba**

*Mjesečni bilten uređuje
Omladinski resursni centar - ORC
Tuzla*

Urednik Biltena:

Mirela Biković

Prevod Biltena na engleski: **Emir Karamujić**

WEB stranica Mreže:
www.omladina-bih.net

Mejling lista Mreže:
posta@omladina-bih.net

Webmaster:
emir.delalic@gmail.com